

OPĆINA NOVO SARAJEVO**Općinsko vijeće**

Na osnovu članova 19. Statuta Općine Novo Sarajevo ("Službene novine Kantona Sarajevo", br. 5/20 - Prečišćeni tekst i 20/20 - Ispravka) i člana 119. Poslovnika Općinskog vijeća Novo Sarajevo ("Službene novine Kantona Sarajevo", broj 24/19 - Novi prečišćeni tekst, 20/20 i 41/21), Općinsko vijeće Novo Sarajevo, na 20. redovnoj sjednici održanoj dana 31.10.2022. godine, donijelo je

ODLUKU**O DOPUNI POSLOVNIKA OPĆINSKOG VIJEĆA NOVO SARAJEVO****Član 1.**

(Novi član 22a.)

U Poslovniku Općinskog vijeća Novo Sarajevo ("Službene novine Kantona Sarajevo", br. 24/19 - Novi prečišćeni tekst, 20/20 i 41/21), iza člana 22. dodaje se novi član koji glasi:

"Član 22a.

- (1) Pored posebne tačke dnevnog reda vijećnička pitanja iz člana 22. stav (3) Poslovnika, kao posebna redovna tačka dodaje se Usmena pitanja vijećnika/ca i odgovori nadležnih službi i/ili Općinskog načelnika.
- (2) Pitanja iz stava (1) ovog člana se moraju dostaviti u pisanom obliku, najkasnije 5 dana prije održavanja sjednice Vijeća.
- (3) Na samoj sjednici, u okviru ove tačke, pitanja će biti pročitana od strane Predsjedavajućeg Vijeća, a odgovore će, usmeno, dati nadležna služba ili /i Općinski načelnik.
- (4) Svaki vijećnik/ca ima pravo postaviti maksimalno 2 pitanja na jednoj sjednici.
- (5) Kategorija nezadovoljstvo odgovorom i dodatna pojašnjenja su dozvoljeni i vijećnik/ca ima pravo na jednu diskusiju od 3 minute, ukoliko je nezadovoljan odgovorom ili/i ima dodatno pitanje vezano za istu temu, a nadležna služba ili/i Općinski načelnik trebaju dodatno obezbijediti odgovor i pojašnjenje.
- (6) Tačka dnevnog reda iz stava (1) ovog člana, traje najviše 60 (šezdeset) minuta."

Član 2.

(Stupanje na snagu)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02OV-01-3-11633/22
31. oktobra 2022. godine
Sarajevo

Predsjedavajući
Općinskog vijeća
Novo Sarajevo
Robert Pleše, s. r.

Na osnovu člana 6. stav (1) i člana 7. stav (3) Zakona o investiranju javnih sredstava ("Službene novine Federacije BiH", broj 77/04 i 48/08), člana 19. stav (1) tačka 7 i člana 141. stav (3) Statuta Općine Novo Sarajevo ("Službene novine Kantona Sarajevo", broj 5/20 - prečišćen tekst i 20/20 - ispravka) te člana 3. Pravilnika o investiranju javnih sredstava Općine Novo Sarajevo ("Službene novine Kantona Sarajevo", broj 43/13), Općinsko vijeće Novo Sarajevo, na 20. redovnoj sjednici održanoj dana 31.10.2022. godine, donijelo je

ODLUKU**O IMENOVANJU INVESTICIONOG MENADŽERA ZA 2023. GODINU****I**

Dr. Hasan Tanović, načelnik Općine Novo Sarajevo, imenuje se za investicionog menadžera Općine Novo Sarajevo za 2023. godinu.

II

Investicioni menadžer upravlja i raspolaže sredstvima i odlučuje o investicijama sa pažnjom dobrog privrednika i u najboljem interesu investicijske institucije, poštujući principe sigurnosti, likvidnosti i rentabilnosti.

III

Investicioni menadžer ne može se smatrati odgovornim zbog bilo koje radnje preduzete u dobroj namjeri i sa pažnjom dobrog privrednika i dobrog stručnjaka, u skladu sa ovlaštenjima, investicijskim ograničenjima, usvojenom godišnjom politikom investicijske institucije i pravilima struke i običaja.

IV

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02OV-02-2-11630/22
31. oktobra 2022. godine
Sarajevo

Predsjedavajući
Općinskog vijeća
Novo Sarajevo
Robert Pleše, s. r.

Na osnovu člana 13. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), člana 19. stav (1), alineja 22. Statuta Općine Novo Sarajevo ("Službene novine Kantona Sarajevo", br. 5/20 - Prečišćeni tekst i 20/20 - Ispravka) i člana 38. stav (3) Poslovnika Općinskog vijeća Novo Sarajevo ("Službene novine Kantona Sarajevo", br. 24/19 - Novi prečišćeni tekst, 20/20 i 41/21), Općinsko vijeće Novo Sarajevo, na 20. redovnoj sjednici, održanoj dana 31.10.2022. godine, donijelo je

ODLUKU**O IZMJENI ODLUKE O OSNIVANJU KOMISIJE ZA BUDŽET I FINANSIJE****Član 1.**

(Predmet Odluke)

Ovom Odlukom mijenja se član 2. Odluke o osnivanju Komisije za budžet i finansije ("Službene novine Kantona Sarajevo", br. 4/21, 11/21, 32/21 i 19/22) - u daljem tekstu Odluka.

Član 2.

(Izmjena člana 2.)

U članu 2. tačka 1. Odluke, "Haseta Kemal, predsjednik", mijenja se i glasi "Živadinović Rodoljub - predsjednik".

Član 3.

(Stupanje na snagu)

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02OV-02-2-11636/22
31. oktobra 2022. godine
Sarajevo

Predsjedavajući
Općinskog vijeća
Novo Sarajevo
Robert Pleše, s. r.

Na osnovu člana 363. stav 3. tačka 5. Zakona o stvarnim pravima ("Službene novine Federacije BiH", br. 66/13 i 100/13), člana 4. stav 1. tačka c) Pravilnika o postupku javnog konkursa za raspolaganje nekretninama u vlasništvu Federacije Bosne i